



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Compendivm Summæ Card. Toleti**

**Minucius, Genesisius**

**Sammieli, 1613**

Quotuplex vsura, & de mentali cap. 29.

**urn:nbn:de:hbz:466:1-41701**

amicitia. \* Quartum, Quod sit ratione mutui, non damni emergentis, vel lucri cessantis. \* Quintum, Quod sit principaliter ob mutuum, nam si sponte, vel gratitudinis gratia aliquid mutuanti datur, non erit usura, quæ semper est peccatum mortale.

*Quotuplex usura, & de mentali. Cap. 29.*

**T**Riplex Usura, Mentalis, Exterior implicita, & Exterior explicita. Usura mentalis est, cum qui hac intentione mutuat, ut ex mutuo aliquod lucrum ultra fortem accipiat, sed talem intentionem non manifestat exterius. Usura implicita exterior est, cum quis paciscitur de lucro, sed non explicitè. Exterior explicita est, quando pactum fuit expressum. In mentali tria sunt necessaria, primum, intentio aliquid accipien-

di vltra sortem ex mutuo: quod Dominus prohibuit Luc. c. i. Mutuum date nihil inde sperantes. Spes enim ibi pro intentione sumitur, nec sola spes, aut desiderium accipiendi lucrum, satis sunt ad vsuram, sed requiritur intentio id est, vt eo animo mutuet vt lucrum capiat ex mutuo. \* Secundo requiritur, quod talis intentio sit acquirendi lucrum ob mutuum non mutuandi propter amicitiam. \* Tertio, quod tale lucrû sit principaliter propter mutuum, non ob gratitudinem. Usura autem hæc mentalis potest tripliciter committi: ex parte dantis & recipientis lucrum, ex parte recipientis tantum, & ex parte dantis & non recipientis: Primo & secundo modo peccat recipiens, & tenetur ad restitutionem: tertio modo nõ peccat, sed cum primum constabit de mente dantis, reddere debet id totum, quo ditior factus est.